



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

4. Dies Februarii. Quid est diu vivere, nisi diu torqueri? August. de Verb.
Dom.

Nutzungsbedingungen

[urn:nbn:de:hbz:466:1-55659](http://urn.nbn.de/hbz:466:1-55659)

Februari.

Tessera.

93

opera, sic & vita. Mors intolerabilis est illi qui prius suis non est mortuus cupiditatibus, & totum exspeditat simul absorbere interitum: dum videlicet moriente corpore mortali commoritur Anima immortalis. Necesse est ergo mors sit gravissima illi, cui multa moriuntur morte sua. Unius rei jacturam gemimus, aut honoris, aut voluptatis, aut amici, quantus dolor erit, uno omnia perdendi iactu, uno totam vitam amittenti momento? Vivebat in illo turba virtorum Luxuria, Superbia, Avaritia, Invidia, Accedia, hæc illo uno moriente moriuntur omnia. Noli ergo infamare mortem quasi malam, & accusare quasi timendum. Quippe

Praefat morte mori, quam vitam ducere mortis.

4. DIES FEBRUARII.

Quid est diu vivere, nisi diu torqueri?

August. de Verb. Dom.

Mortem op- I.
tandam sed-
dunt miseriæ
humanæ.

Nihil in vita miserius ipsâ vita. Ut verè nil aliud sit vivere, quam torqueri. Quid enim habet, ut ita optetur vita optabile? Nisi malorum concessionem, miseria rum pertinaciam? quarum tanta est multitudo, ut multi illas non timeant, quia multæ. Lyces Princeps censuit, vitam esse supplicium Animo, simile illi quo vivi cadaveribus constricti, os ori, pectus pectori, manus atrocissimè cruciabantur. Animailla, Divinæ particula auræ constringitur putri, fluidoque corpo-

ri.

ri. Quod si quis posset, quaqua patet universus orbis, oculos circumferre, & lynceis effoderet oculis mau-
solæa, vermium caveas saginantium se saginatis? si
lustraret omnes angulos orbis, & fordes aspiceret,
quibus celebrantur fundamenta, quibus dedicaba-
tur nostra miseria, doloribus matris, fletibus infan-
tis? Quid si penetraret cubilia, & pectora? lachrymæ-
tes videret & optantes: videret fastidientes, hunc de-
fletere sponsam, illum liberos, hunc famelicum, illum
nauseantem: hunc anxium pro necessariis; illum so-
licitum pro superfluis. Quid si nullam reperiret sine
ludo fortunæ domum, nullam sine lachrymis, nec ul-
lum in domo incolam sine suspiciis? Quid si tot, quo
dolor exurit, quo morbus infestat, quo curæ dive-
xant, quo cupiditas rotat?

II. Certè tot calamitatum veluti spectris attonitus,
& tertitus, tæderet illum vitæ, qua sic miseriis mori-
mur; qua sic in nobis miseriæ vivunt. Quot simus hic
circumsepti undiq; calamitatibus, audite ex Ethnico
Satrapa, Ita M. Autelius Antonius: (a) *Si singuli linguis
palam exprimerent, quæcumque clam in corde sentiunt:
Cælum credo suspensus rumperent, humumque lachrymu-
inundarent.* Quam vastus debet esse dolor, quo per
suspiria in apertum erumpente, velut fragorū ton-
nitru nubes scinderet, aerem finderet, cælum ruimpe-
ret. Nec id supra fidem. Quia dolor animi minimus,
major est dolore corporis maximo. Omnibus quip-
pe, quæ corpus infestant, malis subsidium quo il-
lud, vel tollerent, vel minuerentur, invenerunt homi-
nes. At si ærumnosum cor loquatur, nemo audit, si
intus lachrymetur, nemo videt, si queratur, nemo
redit.

(a) *Epist. ad Casulum.*

Februari. *Tessera.*

credit. Quid igitur tali faciendum, nisi ut vitam, qua moritur, odio habeat; mortem, qua vivit, amet? Unde magni viri virtus? Heroica non in tolerandis corporis doloribus, sed in dissimulandis animi affectionibus consistit.

III. Illa enim quae sunt in penetralibus abdita peccatoris, humores perturbant, sine ullo gestuum exterorum indicio; febrem accendunt sine pulsus variatione, homines prosternunt, in genua dejiciunt, undis ore tenus mergi, mori tandem vitâ non amissa cogunt. Denique vitam prorogant, ut mala plura irrogent, tumultumque negant, ne in eo quiescamus. Si quis furentibus circumseptus feris, hinc irruente inspectaret impetu tygridem, inde apertis unguibus leonem, inde tortuosum colubrum, aut plebem undique ferarum, ursos, tauros, lupos, dipsadas; ad haec in imperi telis undique, circumquaque pericula hau- riens, quae major ipsi videretur felicitas, quam beneficio mortis, eripi tot periculis, absolvi periculorum metu? Annè minor erit favor, eripi malis majoribus? Circundant nos, imò inundant in nos, cupiditates ferocissimæ, dilacerant nos votis, fortuna jaculis nos sauciat fortiter; ubique malorum ambitu conclusi sumus, undique miseriae invadunt; quædam invaseras se minantur: quædam quia invaserunt, cruciant; imò jam omnes cruciant, dum minantur aliquæ: quin & timor ipse minarum, facit pœnas. Sola mors vorat tot mala. Omnium malorum remedium est, quo desinunt ommnia. Quis igitur mortem non prehenset, & optet mori, ut in hac vita desinat pati?

S. DIES